

Na osnovu člana 63. Zakona o visokom obrazovanju Hercegovačko-neretvanskog kantona (Službene novine HNK broj: 4/12), članova 201. i 202. Statuta Univerziteta „Džemal Bijedić“ u Mostaru, a u skladu sa članom 20. Pravilnika o radu Univerziteta „Džemal Bijedić“ u Mostaru, članom 19. tačkama 37. i 38. Pravilnika o unutrašnjoj organizaciji i sistematizaciji radnih mjesta na Univerzitetu „Džemal Bijedić“ u Mostaru, a odnoseći se na Odluke Senata Univerziteta broj: 101-1100/20 i 101-1101/20 od 28.5.2020. godine Univerzitet „Džemal Bijedić“ u Mostaru objavljuje,

## **KONKURS za izbor u zvanje**

### I

**Raspisuje se konkurs za (re)izbor u zvanje:**

- 1. nastavnika u zvanje redovnog profesora** (redovno napredovanje) za naučno područje: Humanističke nauke, polje: Filologija, grana: A) Bosnistika/Kroatistika/Srbistika i B) Teorija i historija književnosti na Univerzitetu „Džemal Bijedić“ u Mostaru - 1 izvršilac;
- 2. nastavnika u zvanje vanrednog profesora** (reizbor) za naučno područje: Prirodne nauke, polje: Hemija, grana: Anorganska hemija na Univerzitetu „Džemal Bijedić“ u Mostaru - 1 izvršilac.

### II

**OPIS POSLOVA:**

#### **1.1. NASTAVNIK**

- daje prijedlog nastavnog programa predmeta;
- predlaže preispitivanje i usavršavanje nastavnog plana i programa;
- preporučuje dostupne udžbenike i priručnike za nastavni predmet za koji je izabran;
- priprema i izvodi nastavu prema rasporedu nastave, usklađenom s nastavnim planom i prema sadržaju utvrđenom nastavnim programom;
- vodi evidenciju o prisustvu nastavi, obavljenim ispitima i postignutom uspjehu studenata;
- radi sa saradnicima, laborantima i demonstratorima u cilju njihove edukacije i osposobljavanja za izvođenje vježbi;
- obavlja konsultacije sa studentima u svrhu savladavanja nastavnog programa;
- redovno održava ispite za studente prema rasporedu u propisanim ispitnim rokovima;
- podnosi izvještaj o prolaznosti na nastavnom predmetu nakon svakog ispitnog roka;
- predlaže teme i mentor je studentima pri izradi završnog rada, diplomskog rada i doktorske disertacije;
- učestvuje u radu Naučno-nastavnog vijeća, Senata i drugih stručnih organa Univerziteta;
- učestvuje u radu komisija u postupku izrade završnog rada, diplomskog rada i doktorske disertacije;
- učestvuje u radu komisija za pripremanje prijedloga za izbor nastavnika i saradnika;
- učestvuje u radu i drugih komisija na fakultetu i Univerzitetu,
- organizuje i izvodi naučnoistraživački rad;
- obavlja i druge poslove utvrđene Zakonom, kao i poslove po nalogu dekana.

### III

**Kandidati su dužni da ispunjavaju sljedeće opće uslove konkursa:**

- da je državljanin Bosne i Hercegovine;

- da je navršio najmanje 15 (petnaest) godina života;
- da je zdravstveno sposoban za obavljanje poslova radnog mjesta na koje aplicira;
- da nije osuđivan za krivično djelo i privredni prestup koji predstavlja smetnju za obavljanje poslova radnog mjesta na koje aplicira, u periodu od 5 (pet) godina prije objavljivanja konkursa/oglasa;
- da mu odlukom suda nije zabranjeno obavljanje poslova radnog mjesta na koje aplicira;
- da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine).

## **2. Pored općih uslova potrebno je da kandidati ispunjavaju i posebne uslove konkursa:**

### **2.1. Minimalni uslovi za izbor nastavnika u zvanje **redovnog profesora** su:**

- završen stepen trećeg ciklusa/doktorat nauka iz odgovarajuće naučne oblasti;
- proveden najmanje 1 (jedan) izborni period u zvanju vanrednog profesora iz odgovarajuće naučne oblasti;
- najmanje 2 (dvije) objavljene knjige i najmanje 8 (osam) naučnih radova objavljenih u priznatim publikacijama, iz odgovarajuće naučne oblasti, sve nakon izbora u zvanje vanrednog profesora, te
- uspješno mentorstvo kandidatu za stepen drugog i trećeg ciklusa, računajući od dana prihvatanja Izvještaja o pozitivnoj ocjeni diplomskog rada i doktorske disertacije.

### **2.2. Minimalni uslovi za izbor nastavnika u zvanje **vanrednog profesora** su:**

- završen stepen trećeg ciklusa/doktorat nauka iz odgovarajuće naučne oblasti;
- proveden najmanje 1 (jedan) izborni period u zvanju docenta iz odgovarajuće naučne oblasti;
- objavljena knjiga i najmanje 5 (pet) naučnih radova objavljenih u priznatim publikacijama, iz odgovarajuće naučne oblasti, sve nakon izbora u zvanje docenta, te
- uspješno mentorstvo kandidatu za stepen drugog ciklusa, računajući od dana prihvatanja Izvještaja o pozitivnoj ocjeni diplomskog rada.

## **IV**

### **DOKAZI**

Kandidati **uz potpisanu prijavu na konkurs** dužni su dostaviti **DOKAZE O ISPUNJAVANJU POSEBNIH USLOVA KONKURSA:**

#### **Za poziciju 2.1. (redovni profesor)**

1. Biografiju (CV);
2. Ovjerena kopija diplome o naučnom stepenu doktora nauka iz odgovarajuće naučne oblasti;
3. Dokaz o izboru u zvanje vanrednog profesora iz odgovarajuće naučne oblasti – najmanje jedan izborni period;
4. Objavljene knjige;
5. Popis naučnih radova iz odgovarajuće naučne oblasti sa kopijama radova iz objavljenih publikacija;
6. Dokaz o uspješno obavljenom mentorstvu kandidatu za stepene drugog i trećeg ciklusa;
7. Dokaz o poznavanju jednog stranog jezika.

**Dokument pod rednim brojem 7 ne dostavljaju kandidati koji napreduju u izbor u zvanje (zaposlenici ili spoljni saradnici Univerziteta „Džemal Bijedić“ u Mostaru).**

### **Za poziciju 2.2. (vanredni profesor)**

1. Biografija;
2. Ovjerena kopija diplome o naučnom stepenu doktora nauka iz odgovarajuće naučne oblasti;
3. Dokaz o izboru u zvanje docenta iz odgovarajuće naučne oblasti – najmanje jedan izborni period;
4. Objavljena knjiga;
5. Popis naučnih radova iz odgovarajuće naučne oblasti sa kopijama radova iz objavljenih publikacija;
6. Dokaz o uspješno obavljenom mentorstvu kandidatu za stepen drugog ciklusa;
7. Dokaz o poznavanju jednog stranog jezika.

**Dokument pod rednim brojem 7 ne dostavljaju kandidati koji napreduju u izbor u zvanje (zaposlenici ili spoljni saradnici Univerziteta „Džemal Bijedić“ u Mostaru).**

**DOKAZE O ISPUNJAVANJU OPĆIH USLOVA KONKURSA** dužan je dostaviti izabrani kandidat nakon konačnosti Odluke o izboru u zvanje, u roku od 5 (pet) dana, a prije zaključenja Ugovora.

Pored navedenog kandidati mogu priložiti i dokumente o poznavanju rada na računaru, podatke o nagradama i priznanjima kao i druge dokumente relevantne za izbor.

Sa kandidatom se zaključuje Ugovor u skladu sa članom 206. Statuta Univerziteta „Džemal Bijedić“ u Mostaru.

### **V**

Potpisane prijave sa dokazima o ispunjavanju uslova konkursa se dostavljaju neposredno ili putem pošte u zatvorenoj koverti, na adresu:

**UNIVERZITET „DŽEMAL BIJEDIĆ“ U MOSTARU  
SJEVERNI LOGOR B.B. , 88 104 MOSTAR**

### **NA KOVERTI JE POTREBNO NAZNAČITI:**

(Prijava na konkurs za izbor nastavnika ili saradnika u zvanje i pozicije na koju se konkuriše - NE OTVARATI). Na poleđini koverta treba biti naznačeno: ime i prezime kandidata, adresa i kontakt telefon.

Nepotpune i neblagovremene prijave, kao i kopije tražene dokumentacije koje nisu ovjerene, neće se uzeti u razmatranje.

Javni konkurs ostaje otvoren **15 dana** od dana objavljivanja u dnevnom listu "Dnevni avaz" i web stranici Univerziteta, [www.unmo.ba](http://www.unmo.ba).